

莊
子
通
義

莊子卷第十

參元朱得之傍註并通義

附錢塘楮伯秀義海纂微

雜篇

雲谷王潼錄校刊

說劍第三十

昔趙文王喜劍。劍士夾門而客。三千餘人。日夜相擊於前。死傷者歲百餘人。好之不厭。如是三年。國衰。諸侯謀之。太子悝患之。募左右曰。孰能說王之意。止劍士者。賜之千金。左右曰。莊子當能。太子乃使人以千金奉莊子。莊

子弗受。與使者俱往見太子。曰：「太子何以教周？賜周千金。」太子曰：「聞夫子明聖，謹奉千金以幣從者。」夫子弗受，慚尚何敢言。莊子曰：「聞太子所欲用周者，欲絕王之喜好也。使臣上說大王而逆王意，下不當太子。則身刑而死，周尚安所事金乎？使臣上說大王，下當太子，趙國何求而不得也？」太子曰：「然。吾王所見劔士，皆蓬頭突鬚，垂冠曼胡之纓，短後之衣，瞋目而語難。」王乃說之。今夫子必儒服而見王，

事必大逆。莊子曰。請治劒服。治劒服三日。乃見太子。太子乃與見王。王脫白刃待之。莊子入殿門不趨。見王不拜。王曰。子欲何以教寡人。使太子先。曰。臣聞大王喜劒。故以劒見王。王曰。子之劒。何能禁制。曰。臣之劒。十步一人。千里不暫行。王大說之。曰。天下無敵矣。莊子曰。夫爲劒者。示之以虛。開之以利。後之以發。先之以至。願得試之。王曰。夫子休。就舍待命。今設戲。請夫子。王乃校劒士七日。死傷者六

十餘人得五六人使奉劔於殿下。乃召莊子。王曰。今日試使士敦劔。莊子曰。望之久矣。王曰。夫子所御杖長短何如。曰。臣之所奉皆可。然臣有三劔。唯王所用。請先言而後試。王曰。願聞三劔。曰。有天子劔。有諸侯劔。有庶人劔。王曰。天子之劔何如。曰。天子之劔以燕谿石。城爲鋒。齊岱爲鏑。晉魏爲脊。周宋爲鐔。韓魏爲鉞。包以四夷。裹以四時。繞以渤海。帶以常山。制以五行。論以刑德。開以陰陽。持以春夏。

行以秋冬。此劒直之無前。舉之無上。案之無下。運之無旁。上決浮雲。下絕地紀。此劒一用。匡諸侯。天下服矣。此天子之劒也。文王芒然自失。曰。諸侯之劒何如。曰。諸侯之劒。以知勇士爲鋒。以清廉士爲鍔。以賢良士爲脊。以忠勝士爲鐔。以豪傑士爲鉞。此劒直之亦無前。舉之亦無上。案之亦無下。運之亦無旁。上法圓天以順三光。下法方地以順四時。中和民意以安四鄉。此劒一用。如雷霆之震也。四封

之內無不賓服而聽從君命者矣。此諸侯之
劔也。王曰。庶人之劔何如。曰。庶人之劔。蓬頭
突鬚。垂冠曼胡之纓。短後之衣。瞋目而語難。
相擊於前。上斬頸領。下決肝肺。此庶人之劔。
無異於鬪雞。一旦命已絕矣。無所用於國事。
今大王有天子之位。而好庶人之劔。臣竊爲
大王薄之。王乃牽而上殿。宰人上食。王三環
之。莊子曰。大王安坐定氣。劔事已畢。奏矣。於
是文王不出宮三月。劔士皆服斃其處也。

題辭此章始終敘事而議論在其中讀之可見
見君人者好尚雖微而風聲奔走未必有封
侯之賞能使殊死者相快於前而後至者不
反上下相矜未嘗不曰予智也智乎愚乎不
待超世忘形之智而後知者而顧甘心焉世
道若此謂之何哉趙王聞竟起敬起信非外
飾也卒得證文有以哉示虛開利後發先至
人皆信其爲劍術之真訣而不知爲匡救之
良法立言者善藏用乎此稱王居

曰時非履國時之名也餘義皆明

南華立言明道高越九天深窮九地開
闢造化鬼神莫測及其引事物以爲喻則不
出乎人間世之談而玄機妙義隱然于中有
足以覺人心救時弊者說劍一篇辭雄旨微
鏗鏘千載豈浪鳴哉漢書司馬氏在趙者以
傳劍論顯其劍術其來尚矣故漆園借此以
發胷中之奇或者泥於形似遂認爲說客縱
橫之論經意一失指夜光爲魚目者有之伯

秀不揆淺陋竊考南華所以言之旨申爲說
云趙國以喻一身文王喜劍心牽於利欲之
譬也太子惺患之猶志有所覺而不能制心
之失求莊子止王所好喻推理以勝之也所
陳三劍言其理有優劣具眼決擇差等見矣
十步一人言其鋒莫當千里不啻行言其用
捷速養神之全者似之夫子以齊國爲固諸
侯以賢士爲幹庶人特匹夫之勇耳以趙王
之尊而好庶人之劍是昧德性之至貴趨物
欲之至卑日夜相擊於前又惡保其無損圖
維之喻卑之甚也欲有以救其失而復其初
非繩以至理不可及其理勝欲消所有者正
性則翻毒刃爲神器亦無所事乎心矣此由
失以求復不免艱難而得之是謂勉強而行
成功一也所云天子諸侯庶人三劍之等殊
喻稟性之厚薄趨向之高下而成功有優劣
也古之君天下神武而不殺者皆得此劍以
神其用豈直太阿干將比哉於是趙王就食

而不能餐性義悅心勇泰有不足美者使王
安坐定氣靜事已畢奏矣言心以動靜性由
靜得性者復吾本來之真亦由無所得也
趙王不出宮三月則能守之以靜養之以虛
成性存存而不變矣劍士皆服斃其處以喻
卽時心死蓋工技者去和技者息回視所謂
神器亦與之俱化又何有天子庶人之別哉
從太子之請而辭其幣與魯仲連存耶耶而
不受千金義同卒能止趙王之戲好而安其
國茲又寓治道於其中而不廢也蓋南華痛
憫世人統於物欲失性而不自知故創爲是
論以明復性者在乎中有所主防欲如響心
絲有覺卽推理以勝之不待乎劍士夾門日
夜相擊然後求夫善說者以止之也寓道於
技以立言而解者往往以外象求合使正大
之理爲之久湮併陷至言於辯者之圖可爲
太息茲因錢研至極遂悟反流歸源庶符立
言本意云云玄於是經得其心隨雄文與論

與之並駕爭驅。獨此篇不著一語。使人深造而自得之也。恐或者於此乎致疑。故不得不辨之也。

漁父第三十一

孔子遊乎緇帷之林。休坐乎杏壇之上。弟子讀書。孔子弦歌鼓琴。奏曲未半。有漁父者下船而來。須眉交白。被髮揄袂。行原以上。距陸而止。左手據膝。右手持頤。以聽曲終。而招子貢。子路二人俱對。客指孔子曰。彼何爲者也。子路對曰。魯之君子也。客問其族。子路對曰。

族孔氏客曰。孔氏者何治也。子路未應。子貢對曰。孔氏者。性服忠信。身行仁義。飾禮樂選人。倫上以忠於世主。下以化於齊民。將以利天下。此孔氏之所治也。又問曰。有土之君與子貢曰。非也。侯王之佐與子貢曰。非也。客乃笑而還行。言曰。仁則仁矣。恐不免其身。苦心勞形以危其真。嗚呼。遠哉其分於道也。子貢還報孔子。孔子推琴而起曰。其聖人與。乃下求之。至於澤畔。方將杖挈而引其船。顧見孔

子還鄉而立。孔子反走，再拜而進。客曰：子將

何求？孔子曰：曩者先生有緒言而去，丘不肖，

未知所謂，竊待於下風，幸聞咳唾之音，以卒

相丘也。客曰：嘻，甚矣子之好學也。孔子再拜

而起曰：丘少而修學，以至於今六十九歲矣，

無所得聞至教，敢不虛心。客曰：同類相從，同

聲相應，固天之理也。吾請釋吾之所有，而經

子之所以。子之所以者，人事也。天子諸侯大

夫庶人，此四者自正治之美也。四者離位而

亂莫大焉。官治其職。人憂其事。乃無所陵。故
田荒室露。衣食不足。徵賦不屬。妻妾不和。畏
少無序。庶人之憂也。能不勝任。官事不治。行
不清白。羣下荒怠。功美不有。爵祿不持。大夫
之憂也。廷無忠臣。國家昏亂。工技不巧。貢職
不美。春秋後倫。不順天子。諸侯之憂也。陰陽
不和。寒暑不時。以傷庶物。諸侯暴亂。擅相攘
伐。以殘民人。禮樂不節。財用窮匱。人倫不飭。
百姓淫亂。天子有司之憂也。今子旣上無君

侯有司之勢。而下無大臣職事之官。而擅飾
禮樂。選人倫以化齊民。不泰多事乎。且人有
八疵。事有四患。不可不察也。非其事而事之
謂之總。莫之顧而進之謂之佞。希意道言謂
之諂。不擇是非而言謂之諛。好言人之惡謂
之讒。拆交離親謂之賊。稱譽詐僞以敗惡人
謂之慝。不擇善否兩容頰適。偷拔其所欲謂
之險。此八疵者。外以亂人。內以傷身。君子不
友。明君不臣。所謂四患者。好經大事。變更易

常以挂功名謂之叨。專知擅事。侵人自用。謂之貪。見過不更。聞諫愈甚。謂之狠。人同於己。則可。不同於己。雖善不善。謂之矜。此四患也。能去八疵。無行四患。而始可教已。孔子愀然而歎。再拜而起。曰。丘再逐於魯。削迹於衛。伐樹於宋。圍於陳蔡。丘不知所失。而離此四謗者。何也。客悽然變容曰。甚矣子之難悟也。人有畏影惡迹而去之走者。舉足愈數。而迹愈多。走愈疾。而影不離身。自以爲尙遲。疾走不

休絕力而死。不知處陰以休影。處靜以息迹。愚亦甚矣。子審仁義之間。察同異之際。觀動靜之變。適受與之度。理好惡之情。和喜怒之節。而幾於不免矣。謹修而身。慎守其真。還以物與人。則無所累矣。今不修之身。而求之人。不亦外乎。孔子愀然曰。請問何謂真。客曰。真者。精誠之至也。不精。不誠。不能動人。故強哭者。雖悲不哀。強怒者。雖嚴不威。強親者。雖笑不和。真悲無聲而哀。真怒未發而威。真親未

笑而和真在內者。神動於外。是所以貴真也。其用於人理也。事親則慈孝。事君則忠貞。飲酒則歡樂。處喪則悲哀。忠貞以功爲主。飲酒以樂爲主。處喪以哀爲主。事親以適爲主。功成之美。無一其迹矣。事親以適。不論所以矣。飲酒以樂。不選其具矣。處喪以哀。無問其禮矣。禮者。世俗之所爲也。真者。所以受於天也。自然不可易也。故聖人法天貴真。不拘於俗。愚者反此。不能法天而恤於人。不知貴真。碌

碌而受變於俗。故不足惜哉。子之早湛於僞。而晚聞大道也。孔子又再拜而起曰。今者丘得遇也。若天幸然。先生不差而比之服役。而身教之。敢問舍所在。請因受業而卒學大道。客曰。吾聞之。可與往者。與之。至於妙道。不可與往者。不知其道。慎勿與之。身乃無咎。子勉之。吾去子矣。吾去子矣。乃刺船而去。延緣葦間。顏淵還車。子路授綏。孔子不顧。待水波定。不聞拏音。而後敢乘。子路旁車而問曰。由得

爲後久矣。未嘗見夫子遇人如此其威也。黃
乘之主。千乘之君。見夫子。未嘗不分庭伉禮。
夫子猶有倨傲之容。今漁父杖挈逆立。而夫
子曲要磬折。再拜而應。得無太甚乎。門人皆
怪夫子矣。漁父何以得此乎。孔子伏軾而歎
曰。甚矣由之難化也。湛於禮義有間矣。而樸
鄙之心。至今未去。進吾語汝。夫過長不敬。失
禮也。見賢不尊。不仁也。彼非至仁。不能下人。
下人不精。不得其真。故長傷身。惜哉。不仁之

四元經解所為此字

於人也禍莫大焉而由獨擅之且道者萬物之所由也庶物失之者死得之者生為事逆之則敗順之則成故道之所在聖人尊之今漁父之於道可謂有矣吾敢不敬乎

題義此言安分守真之為貴入班四患以孔子好學老而不倦猶且不免況其下乎禮者世俗之所為真者所以受於天也二語故足以辨世儒之學孰知禮者天然之物則非止於器數也此曰世俗之所為則指後世習於儀文之弊正孟子所謂非禮之禮也
義疏漁父或謂范蠡福亦五湖屈原澤畔所逢者竊謂亦不必泥其人但隱德藏輝若身湖海若太公望嚴子陵張志和陸龜蒙之徒其間有併姓名俱隱者豈得而盡考緇維言

林木茂密暗如帷幄因以爲名南華寓言於
漁父孔子問答與楚狂接輿歌而過孔子意
同蓋孔子爲人心切則經世述著所以人得
而擬議故漁父告之以去疵達患修身守真
而還以物與人夫名亦物也造物者所新過
分則忌之真者在己之良貴外物不足比人
而不知貴真則中無所主碌碌而受焚於俗
也宜矣及強哭強怒二喻甚精當事親則慈
孝以下一段大有益於治道有以見漁父亦
非獨善其身者用舍有時耳孔子聞言而悟
願棄所學而卒受教蓋治世有爲者聞無爲
之益不得不宗焉刺船而去示過化而無雷
迹待水波定不聞擊音而後敢乘則一聆至
言心悅誠服其人雖往敬猶存也凡漁父所
言明世俗之疑孔子者不過如此特其行世
之迹耳唯南華得夫子之心指其迹而非之
則所謂真者可默契矣世人多病是經營孔
子余謂南華之於孔子獨得其所以尊之之

實正言若反以頭色
蓋謂是也 一字子

列御寇第三十二

列御寇之齊中道而反遇伯昏瞀人伯昏瞀
人曰奚方而反曰吾驚焉曰惡乎驚曰吾嘗
食於十餐而五餐先饋伯昏瞀人曰若是則
汝何爲驚已曰夫內誠不解形謀成光以外
鎮人心使人輕乎貴老而整其所患夫餐人
特爲食美之貨多餘之贏其爲利也薄其爲
權也輕而猶若食而況於萬乘之主乎身勞

於國而知盡於事。吳之元彼將任我以事而效我以

功。吾是以驚。伯昏瞀人曰：善哉觀乎！汝處已

人將保汝矣。子云無幾何而往，則戶外之屨滿矣。

伯昏瞀人北面而立，敦杖蹙之乎頤，立有間。

不言而出。俱賓者以告列子。列子提履跣而走。

暨乎門，曰：先生既來，曾不發藥乎？曰：已矣。吾

固告汝曰：人將保汝，果保汝矣。非汝能使人

保汝，而汝不能使人無保汝也。而焉用之？感

豫出異也。必且有感搖而本才。才者，人告又無謂也。與

偶見

汝遊者又莫汝告也彼所小言盡人毒也

能

莫汝告也

不考

莫覺莫悟何相孰也巧者勞而知者憂無能

者無所求飽食而遨遊汎若不繫之舟虛而

遨遊者也

題

五餐先饋敬而不待沽也列子自反存

誠之功未化露於詞氣之間是以英華服人

使彼忘其老者貴者而獨敬於我也夫需餐

之人利薄權輕而猶以餐表敬適齊見君不

為其所低用平任用必其效則彼之身勞知

盡者我得代之其整患也為何如汝處已言

汝若只如此而不求更進則人將愛護而從

汝矣感豫出異言人感而悅由我出之不同

於常人耳外既不常內必搖其性入方以定

豫又焉能知我性之搖動而告我耶汝之弟

子又莫汝若言曰必偏蔽是皆成性之素
遂而不悟又何能相誰何而辨其是非也
是莊子述舊聞者非他人所拔也

此章全見列子止於何相孰也其間有
三兩字不同南華漆巧者以下數句總結前
義愈精彩如光淵之將子儀軍也按列子居
鄰國四十年人無識者則此五菜先饋當在
居鄰之前然見饋漿而驚其察人檢已亦微
矣戶外後滿則是不能輒晦人幸趨而作附
之汝焉用此感悅之道出異以動人耶凡有
以感人者必先搖其本性彼方從而化之又
何說也我若無心鬼神莫能測況於人乎汝
之朋友又莫與告徒以巧安入人而汝矣覺
悟何相重烝習熟若此古文熟與孰同華任
巧知以勞以憂無肯安於無能者此無能猶
云無爲也無爲故無求飽食以遨遊汎若舟
之不禁亦虛而已矣碧虛照列子本文作無

多餘
之義

鄭人緩也。呻吟裘氏之地。祗三年。而緩爲儒。
河潤九里。澤及三族。使其弟墨。儒墨相與辯。
其父助翟。十年而緩自殺。其父夢之曰。使而
子爲墨者。予也。闔胡嘗視其良。旣爲秋栢之
實矣。夫造物者之報人也。不報其人。而報其
人之天。彼故使彼。夫人以已爲有以異於人。
以賤其親。齊人之共飲者相拌也。故曰。今之
世皆緩也。自是有德者。以不知也。而況有道

者乎。古者謂之遁天^天之刑。聖人安其所安。不

安其所不安。衆人安其所不安。不安其所安。

^{此節中間有缺文}閱胡嘗視其良既爲

秋栢之實諸解無意味是謂緩父之善如時之秋

之明也謂父何不見其成弟之善如時之秋

如栢之實成其材開其生意而乃靈弟以致

我死乎死十年而怨宿不忘其爲儒也可知

矣莊子引此而斷之以爲今世皆緩父所使也

之報人不以其能以其心能者天之所使也

緩以成弟之功過於人而遠慰其親鬼夢相

按猶齊人鐸剛於氣其相爭者以醉非以性

今人皆以能相勝是故皆緩也有一德者不

如此而況有道自稱儒者乎秋比緩栢實比

弟上彼指天下彼指弟夫人指緩共飲言酒

於酒者骨肉傷殘不知其非且至於自殞其

愚可悲也言闕又

言胡慙之至也

爲儒者各有正性得之於天而不可移緩之
儒師堯舜墨師大禹皆學於聖人儒主中庸
墨則流於兼愛過猶不及故聖門不取焉當
時儒墨並行皆足以致貴顯緩乃自謂已能
爲儒又能使弟爲墨以此自多二教指趣不
同遂相與辯其父不能聚之以理而偏助翟
爲緩者當順處而徐悟之天性無不復之理
何遽至怨父而自殺其所損亦多矣餘憤未
消猶見夢於父謂何不試視已冢上其精靈
已化爲楸柏之實實猶質也信其屋真不燬
真性猶存莊子於是斷之曰造物之報人也
不報其人而報其人之天報猶復天言性也
緩之化爲異物不復其形骸而能見夢以自
陳其性未嘗滅也彼故使彼結上文言人形
非久性必有歸一念所在不可泯也緩以怨

慎而殛性猶不滅而化為堅貞之木然則養
生之得理盡年道累順化而復初者其真性
歸當如何哉鄭人之爲楸柏語之以怪按片
父之生鄧林則亦或有之蓋有情無情生
何極樂不離乎形器之變幻人處其中而不
自知所以與之俱化若知有所謂無形而不
變者則不受物化而能化物矣夫人以已爲
有至皆緩也所以責世儒之陋所見若是何
聖其通三才而理萬物有德者以不知言緩
所以失道爲有知而分別耳渾然不知所以
全其天也遁天之刑訓解不一詳下文所安
所不安卽其證或析爲別章遂至經意不貫
言緩遁逃自然之理而棄替父子兄弟之天
是不安其所安然憤而自之於刑戮是安其
所不安也南華以遁天之刑一語結緩之公
案所以爲後世不安天理而很復自戕者之
戒

莊子曰。知道易。勿言難。知而不言。所以之天也。知而言之。所以之人也。古之人。天而不人。
朱汙漫學。屠龍於支離。益單千金之家。三年
技成。而無所用其巧。聖人以必不必。故無兵。
衆人以不必必之。故多兵。順於兵。故行有求。
兵恃之則亡。小夫之知。不離苞苴竿牘。敝精
神乎褻淺。而欲兼濟道物。太一形虛。若是者。
迷惑于宇宙。形累不知太初。彼至人者。歸精
抱朴。無始而甘冥乎無何有之鄉。水流而無

形發泄乎太清。悲哉乎汝爲知在豪毛而不

知太寧

此亦似有缺文。強爲之通知而不言。猶屠龍之技。無所用巧也。其志之常存者。以爲事屬於天。不可必此理之必然。故雖不用。亦不怨不言也。衆人以不可必之天。而期必於一己之私。故多爭言。兵者舉爭之大者。以爲言也。苟習於爭。而感其情。欲之所往。則比有行。必出於機。心熱於爭。而不足畏。犯刑。索如飲食。恃此而行。必至於亡理也。勢也。此輩之識。不過貨與言之屑屑耳。其神寔塞淺陋。而欲乘通乎道之玄物之故。以達於太一之虛。不能矣。何也。小人者。迷於身世。不知太切之不容言也。親至人之如彼。則小人所爲。不亦可憐哉。故曰悲哉乎。知爲太寧者。心神本寧。無我之萌。是太寧也。役於物而不寧。物去而

寧復而後可
以見太寧

也聖則天矣知者言道猶足以弘教誨人未
爲深失也世有淺學設聞而矜銜自足者口
雖不言而形色已言又何足以知古人契合
天理之妙哉屠龍諸解多舛題與經意不侔
唯呂註得其旨碧虛以無益名章亦失之今
擬易名忘妙章併述管見云人從學求道猶
入海求龍然而見龍者少見而能屠者又幾
何人蓋以喻學道之難而見道能忘爲尤難
也始於求龍而得見則知吾身有無窮之變
化終於得龍而能屠則明吾道有不形之至
神龍非尸居莫見當求諸恍惚窅冥之間屠
非刀月所加故超乎羣譽肯綮之外窮神極
妙豈桑林之舞所能形容哉單千金之家卽
是空諸所有至於千日功成而無所用巧則
一以神遇能解俱忘不知龍爲何物屠者何

人也。揮宗有云：龍牙山中麓一見，便心息。卽此初段工夫，竊詳屠龍四句文，絕奇而語甚簡。義與庖丁大章並驅，彼章末則猶存用此則體，實而用亦忘，所以爲至聖人，以必不必有者，亦無之衆人，以不必必無者，在欲有之也。兵謂嗜欲交戰於中者，其有無亦在人，而巳。凡順於兵者，欲行有求之志，不悟恃之而至於亡。小知從事遠，問以淑精神，亦自兵也。何聖乎？志存兼濟，以尊天下之物理，窮太一以形天下之虛太一數之始，萬物自此離無入，有以形相禪，生生化化而不息者也。衆人迷惑乎宇宙，蓋以今之形累而不知太初之本無至人，則歸精神於無始，卽太初無何有之鄉，是也。水爲五行之首，可見而不可執有形而又無形，故形降則流，潤乎萬物，氣騰則發泄乎太清，隨陰陽而運成造化之功者，有在於是。是世人則役知於細微而不知有太寧之道，同天運而不息。太寧卽真性之未動。

此心之萌物感而應即天一
之生水發泄乎太清之謂也

宋人有曹商者。爲宋王使秦。其往也得車數
乘。王說之。益車百乘。反於宋。見莊子。曰。夫處
窮閭阨巷。困窘織屨。槁項黃馘者。商之所短
也。一悟萬乘之主。而從車百乘者。商之所長
也。莊子曰。秦王有病。召醫。破癰潰痊者。得車
一乘。舐痔者。得車五乘。所治愈下。得車愈多。
子豈治其痔邪。何得車之多也。子行矣。

通鑑 曹商以偶然之得。自驕小人也。
今鄙之過甚。殆非莊子之氣宇也。

商以車自後南華以道自今車後一
皆而遺臭無窮道尊萬世而流芳不毀人之
趨向可不謹耶

魯哀公問於顏闔曰吾以仲尼為貞幹國其

有瘳乎曰殆哉圾乎仲尼方且飾羽而畫從

事華辭以支為旨忍性以視民而不知不信

受乎心宰乎神夫何足以上民彼宜汝與予

願與誤而可矣今使民離實學偽非所以視

民也為後世慮不若休之難治也施於人而

不忘非天布也商賈不齒雖以士齒之神者

弗齒爲外刑者金與木也爲內刑者動與過也宵人之離外刑者金木訊之離內刑者陰陽食之夫免乎外內之刑者唯真人能之

受乎心率乎神言其心安於僞而不可信者反爲神之主猶久假不歸惡知非有之意彼宜汝歟言其與汝相得不否予與也欲與養之歟不知而失誤養之則可矣若以爲貞幹而養之使民離真實而學虛僞非所以爲治也彼以難行之事施於人而不忘豈自然之常經哉齒取以爲言也商賈交易賄差僞而不取惟學僞之士或一取之而中心之誠然者亦弗取也宵人猶曰夜行郎爲盜者畏人之見故曰宵人此比歸僞之內歟者陰陽食之胃中冰炭足以耗其血氣非真人孰能免乎此色厲內荏猶穿窬之盜正謂此也頽圯

嘗避魯聘今出而言若

此亦亢倉子之徒歟

楚海哀公欲以仲尼爲佐觀其國政有夢是
病而求醫也求之切者望必重故問於顏回
以印其心閻遂歷陳特賢之弊尙之無益徒
使殉述生姦民愈難治仲尼時賢之著者借
以立論飾以羽毛加之彩畫淪從事浮華之
辭支離而不究本源摭其往以示民而不
知其不信已而生姦以應之也物至則以心
受之心受物則神主之內不虛而外紛擾與
民同耳何足以上民閻又反問彼仲尼果有
益於汝與汝能自願養其民與誤應是悟汝
當於此省悟可也如上所言皆使人離實學
僞非所以示勸於世不若勿爲之愈民之難
治以其知多實由爲民上者有以啓之若此
所爲猶商賈之不可與士齒雖一時以事齒
之如社祭稍飲之類其神亦不屑與之俱言
其趨向不同賢不肖所以分也彼學僞之宵

人宜其莫逃。內外之刑矣。宵人謂冥行而無知。見雖處白日。猶長夜也。渠作如此解。再考動謂心念始差。過則見諸行事。過形而不可掩。所以金木訊之。陰陽食之。食猶寇也。真人體純素而無爲。何內外刑之能及。

孔子曰。凡人心險於山川。難於知天。天猶有春秋。冬夏旦暮之期。人者厚貌深情。故有貌愿而益。有長若不肖。有順慄保而達。有堅而縵。有緩而鈇。故其就義若渴者。其去義若熱。故君子遠使之而觀其忠。近使之而觀其敬。煩使之而觀其能。卒然問焉而觀其知。急與

之期而觀其信。委之以財而觀其仁。告之以
危而觀其節。醉之以酒而觀其則。維之以處
而觀其色。**九徵**至不肖人得矣。正考父一命
而偃。再命而僂。三命而俯。循牆而走。孰敢不
軌。如而夫者。一命而呂鉅。再命而於車上僂。
三命而名諸父。孰協唐許。賊莫大乎德有心
而心有睫。及其有睫也。而內視內視而敗矣。
凶德有五。中德爲首。何謂中德。中德也者。有
以自好也。而叱匹尔其所不爲者也。窮有八

極達有三必形有六府。美髯長大壯麗勇敢
八者俱過人也。因以是窮緣循偃佚。於夫反困
畏不若人。三者俱通達。知慧外通。勇動多怨。
仁義多責。達生之情者傀。達於知者肖。達大
命者隨。達小命者遭。一曰小命者七件何リ

通義 此非體道者之言也。而誣孔子。寬哉以
言不言。恐人皆穿窬之類。九徵皆設詐以爲
心者。李克之上相。彼但卽平素無心之應。以
爲據。君子以爲不若見垣一方人者之明。而
況於聖人無將無迎。明德燭微者乎。亦非
莊子之言也。通篇只成就一箇機變之巧。
義海 天有寒暑晴雨之變。可以度數測也。地
有山川澗谷之險。可以梯航濟也。人心方寸

其變其險不可測不可濟者何耶人心操存
舍亡出入無時是爲難知難見者然有所麗
而形見焉鑒貌察辭亦可得其六七但文之
以深厚則此不免平徵試其心正者形於動
作無非正其心邪者形於動作無非邪雖巧
爲矯飾終有不可得而掩者此君子小人所
以分也其要在上之人欲不逾矩平易近民
則天下之心猶一心也天下之俗猶一家也
何慮其難知何憂其難化哉自貌惡至若熱
言其內外相反自遠使之至樵之處試其所
守之慈以九徵而得賢不肖之情固善矣然
而已亦勞且不若當事物之來示之以虛而
徐觀其眼目定數如見肺肝況又言而信之
安可逃於衡鑒正考父孔子十代祖宋大夫
也此段猶是哀公與顏問問答受衍餘意蓋
謂聖賢處世不以窮達累其心三命而循牆
以達爲懼也三命而名諸父以達而驕也皆
不免寵辱驚心安足以協唐堯許由之高致

哉堯之黃屋非心由之不肯越俎出處雖殊其心一也故用以結前章之義後又論世俗自好之弊而不知窮達之由命也爲德而有心得則分別生而惠不廣矣又役心而有見則知慮煩而內不靜矣惠不廣則害德內不靜則害心故爲戒之大內視謂付度其所欲爲經營布置如在目前規擬其必成而敗亡繼之矣釋氏說五種眼惟天眼肉眼眼在面慧法佛眼皆在心彼心眼顯成德之效此心眼戒敗德之原不戒于敗曷臻乎成二家之論相爲表裏凶德有五視聽言貌思之不由乎正者心主中而爲首因有以自好謂人莫我及而皆敗之根敗德之始加以四凶從之何惡弗爲哉人能自中德而反之復猶未達轉凶爲吉在人力行何如耳八極三必亦奇正相生循環之理猶人身府藏應陰陽之盈虛消長而不自知也知慧所以養德而用於外通於事則勇動而多怨仁義所以廣惠而博濟

爲難故不周而招貴。達生者。儼然恬解。達知者。消然忘知。大命隨而任之。小命安於所遇。賢人君子。所以窮通皆樂。而世患莫及者。以此。

有見宋王者。錫車十乘。以其十乘驕稱。莊子。莊子曰。河上有家貧恃緯蕭而食者。其子沒於淵。得千金之珠。其父謂其子曰。取石來鍛之。夫千金之珠。必在九重之淵。而驪龍領下。子能得珠者。必遭其睡也。使驪龍而寤。子尙奚微之有哉。今宋國之深。非直九重之淵也。宋王之猛。非直驪龍也。子能得車者。必遭其

睡也使宋王而寤子爲整粉矣

此校慈痔之翁大意頗同亦非莊子語也

之其子沒謂泗水戲得珠非所望也故亦不足爲奇而騷龍之睡寤會弗介意父欲取而銀試則有心矣且謂騷龍若寤將有粉身之禍幸一生於萬死謂其可復入哉此喻奪人所欲者禍必重縱賊彼無心而得之僥倖不可再也奚微之有或疑微下逸軀字理蓋不然此四字是奇筆庸庸說爲當

或聘於莊子莊子應其使曰子見夫犧牛乎衣以文繡食以芻菽及其牽而入於太廟雖欲爲孤犢其可得乎

居功 功成不居乃免後患然不居之道非功成之後可行也當立功之始先有忘功忘辭一段工夫則雖立功而不自見其功乃能不居惟迫於不得已而後動斯得矣作世三聘而後出復政厥辟而退居自老其內外重輕之辨亦明矣乎當其安於默故之中由是以樂堯舜之道其亦見有位之爲累也不得已應聘而出亦因夏之昏德非天生人立居之意也故其言曰天之生斯民云云

曳尾 像牛之喻與龜而於中亦與龜曳尾塗中義同不釋

莊子將死弟子欲厚葬之莊子曰吾以天地爲棺槨日月爲連璧星辰爲珠璣萬物爲齎送吾葬具豈不備邪何以加此弟子曰吾恐

烏鳶之食夫子也。莊子曰：在上為烏鳶食，在下為螻蟻食，奪彼與此，何其偏也。以不平平。

其平也不平。以不徵徵，其徵也不徵。明者唯

為之使，神者徵之。夫明之不能勝神也久矣。而

愚者恃其所見入於人，其功外也不亦悲乎。

題義或謂此為當世厚莖而發竊惟議之當

義非聖哲之為心大抵只是洗滌拂除其有

為之心耳。凡財者民之命，厚莖費財莫非亦

民心而傷其命者，達觀之人故不屑於厚莖

在人子之於親則亦隨

其力與分不敢過也。

義古者因山為墳，不封不樹，上無通臭，下

不及泉，務藏形而已。則棺矣之朴素莖具之

簡約可知後世習尚濫侈璧玉珠璣生甫受
用已爲過矣用之以飾棺則明器之繁夥塋
隧之雄廣固不待言蓋由據尊侍貴厚享於
前則送終之禮勢不容薄歷觀古之侈塋如
虎丘驪山者自以爲固可千萬年終不免爲
大盜積耳今南華弟子欲厚塋其師是亦人
心所當盡然猶蹈俗習故故假以天地爲棺
節達哉斯言古所未道湯王孫裸塋之說劉
伯倫荷鍾之意皆自此發夫既委形於地則
烏焉螻蟻何以自免曰吾之生也蓋本於無
而外烝蚤蠹內變蛻蛻蛻皆因我而有及其死
也猶蜉蝣甲蛇蛻委之而往神則無不之也又
何烏焉螻蟻之足慮哉明謂形之可見者必
藉形中不可見者主之欲動而動欲止而立
其中有信卽此所謂敬也不平者形形有貧
富壽夭之殊神之在人則一以神觀物無有
不平以形觀物則不平矣敬者叩之而應感
之則通若以不信親物物亦不信之矣形本

無徵取徵於神以外求徵於內內重而外輕也若以內求徵於外則其徵也不徵其徵也不徵則其平也不平矣明者爲使動用有限仲者徵之靜體無極故曰明不勝神也真人立是論非唯矯時俗厚莖之弊抑使後世學者所重在內而不在外所養在神而不在形平徵之由已出神明之暫相須也信能造此則與天爲一日星參光棺槨而珠璧之非過也論

褚氏總論南華沖虛二真人應期弘教躋世清寧遺訓流芳千古蒙惠二經旨趣互相發揮蓋不可以優劣論然本經旨義列于御風猶有所待而後篇引用不一或議以漆園之才縱橫馳騁自出環奇何不可者而乃必蹈沖虛之轍邪愚嘗致思其所以云凡有德者必有言言所以述行也行同而言異者無之造極玄談古今一致直

言曲喻正說反說皆所以明道也南華樂
道前賢之善舉其全章以寓已意者十有
六其冥海章列文甚畧莊子特詳焉故每
章歸結則時見出藍之青精彩倍越莊子
得列文而愈富列文賴莊子而愈彰前謂
御風有待猶以速觀後取立言微妙則以
心契心編末猶以禦寇名篇明所舉之不
隱歸趣之合轍也然而當篇所載列文無
幾疑爲郭氏刪易也始乎饋漿之事戒其
出異惑人未幾而尸外履不備能使人無保
也次以援翟爭憤死化爲楸相遁自然而
之刑戮造物者報其人之天也知道不言
如天之運知而言之其機淺矣是以屠龍
技成無所用巧用巧不足以效屠龍甘砥
痔者得車愈多不多不足以旌其砥痔皆
所以警學徒而鍼時病也至於賴植榦以
扶國不若休之恬動過之刑心當加謹只
九徵用而不肖得三介至而恭慢分八極

三必之不常一殊九淵而僅得又以喻處世應物之多端貪名逐利之召患也僅能因其有形反究夫未始有物則人間世之累可免矣舍犧牛而為孤犢亦在人篇信而力行之耳篇末結以莊子死示幻形不足戀凡物必有終也門人慮為禽之食猶以世眼觀唯至人忘形任化無干奪之或偏體神用明顯平復之不謬此其所以難人入天而登假乎道也歟

天下第三十三

此篇乃本經之後序序其祖老而不同於諸子之故

天下之治方術者多矣皆以其有為不可加矣古之所謂道術者果惡乎哉在曰無乎不在在曰何由隆明何由出聖有所生王有所成

皆原於一。不離於宗。謂之天人。不離於精。謂之神人。不離於真。謂之至人。以天為宗。以德

為本。以道為門。兆於變化。謂之聖人。以仁為

心者有為不異道也

思。以義為理。以禮為行。以樂為和。熏然慈仁。

古師之一

謂之君子。以法為分。以名為表。以參為驗。以

居於長方

稽為決。其數一二三四是也。百官以此相齒。

以事為常。以衣食為主。蕃息畜藏。老弱孤寡

言之二小德

為意。皆有以養。民之理也。古之人其備乎。配

神明。醇天地。育萬物。和天下。澤及百姓。明於

本數係於末度。六通四辟。小大精粗。其運無

乎不在其明。而在歷數者。舊法世傳之史。尚

多有之。其在於詩書禮樂者。此乃聖王所也鄒魯之士。搢紳

先生。多能明之。詩以道志。書以道事。禮以道

行。樂以道和。易以道陰陽。春秋以道名分。其

數散於天下。而設於中國者。百家之學。時或

稱而道之。有篇之四 大柱天下大亂。賢聖不明。道德不一。天

下多得一察。賈誤焉以自好。譬如耳目鼻口。皆

有所明。不能相通。猶百家衆技也。皆有所長。

時有所用。雖然不該不徧。一曲之士也。判天

地之美。析萬物之理。察古人之全。寡能備於

天地之美。稱神明之容。是故內聖外王之道。

闇而不明。鬱而不發。天下之人。各為其所欲

焉。以自為方。悲夫。百家往而不反。必不合矣。

後世之學者。不幸不見天地之純。古人之大

體。道術將為天下裂。不侈於後世。不靡於萬

物。不暉於度數。以繩墨自矯。而備世之急。古

之道術有在於是者。墨翟禽滑釐聞其風而

三上
清惠堂
夏
二十七

說之爲之大過。已之大順。作爲非樂。命之曰

節用。生不歌。死無服。墨子汜愛兼利而非聞。

其道不怒。又好學而博。不異不與先生同。毀

古之禮樂。不同之實黃帝有咸池。堯有大章。舜有大韶。

禹有大夏。湯有大濩。文王有辟雍之樂。武王

周公作武。古之喪禮。貴賤有儀。上下有等。天

子棺槨七重。諸侯五重。大夫三重。士再重。今

墨子獨生不歌。死不服。桐棺三寸而無槨。以

爲法式。以此教人。恐不愛人。以此自行。固不

愛已未敗墨子道。雖然歌而非歌，哭而非哭。
樂而非樂。是果類乎？其生也勤，其死也薄。其
道大觥，使人憂，使人悲，其行難爲也。恐其不
可以爲聖人之道。反天下之心，天下不堪。墨
子雖獨能任，奈天下何？離於天下，其去王也
遠矣。墨子稱道曰：昔者禹之湮洪水，決江河
而通四夷九州也，名山三百，支山三千，小者
無數。禹親自操橐耜而九雜天下之川，腓無
胈，脰無毛，沐甚風，櫛疾雨，置萬國。禹，大聖也。

而形勞天下也如此。使後世之墨者，多以喪
褐爲衣，以跋躋爲服。用日夜不休，以自苦爲極。
曰：不能如此，非禹之道也。不足謂墨。姓相里勤
之弟子，五侯之徒，南方之墨者，苦複已齒，鄧
陵子之屬，俱誦墨經，而倍誦不同，相謂別墨。
以堅白同異之辯相訾，以綺偶不侔之辭
相應。以巨子高徒巨子墨子弟子爲聖人，皆願爲之尸。法解冀得爲其
後世。至今不決。墨翟禽滑釐之意，則是其行
則非也。將使後世之墨者，必自苦以腓，無胼

脰無毛相進而已矣。亂之上也。治之下也。雖

然墨子真天下之好也。將求之不得也。雖枯

槁不舍也。才士也。夫不累於俗。不飾於物。不

苟於人。不伎於衆。願天下之安寧。以活民命。

人我之養。畢足而止。以此白心。古之道術有

在於是者。宋鉏尹文聞其風而悅之。作為華

山之冠。以自表。接萬物以別宥。為始。語心之

容。命之曰心之行。以聊音和合驩。以調海內。請

欲置之以為主。見侮不辱。救民之聞。禁攻寢

兵救世之戰。以此周行天下。上說下教。雖天下不取。強聒而不舍者也。故曰上下見厭而強也。雖然。其爲人太多。其自爲太少。曰請欲固道五升之飯足矣。先生恐不得飽。弟子雖饑不忘天下。日夜不休。曰我必得活哉。圖倣乎救世之士哉。曰君子不爲苛察。不以身假物。以爲無益於天下者用之。不如已也。以禁攻寢兵爲外。以情欲寡淺爲內。其小大精粗其行適至是而止。公而不當。當誤易而無私。決

然無主趣物而不兩。不顧於慮。不謀於知。於物無擇。與之俱往。古之道術有在於是者。彭蒙田駢慎到。聞其風而悅之。齊萬物以爲首。曰。天能覆之而不能載之。地能載之而不能覆之。大道能包之而不能辯之。知萬物皆有有所可。有所不可。故曰。選則不徧。教則不至。道則無遺者矣。是故慎到棄知去已。而緣不得已。泠汰於物。以爲道理。曰。知不知。將薄知而後鄰傷之者也。謏謏裸無任而笑天下之尙賢。

也縱脫無行而非天下之大聖。椎柏欒

胡亂

二斷與物宛轉。舍是與非。苟可以免。不師知

慮。不知前後。魏危然而已矣。推而後行。曳而

後往。若飄風之還。若羽之旋。若磨石之隧。全

而無非。動靜無過。未嘗有罪。是何故。夫無知

之物。無建已之患。無用知之累。動靜不離於

理。是以終身無譽。故曰。至於若無知之物而

已。無用賢聖。夫塊不失道。豪傑相與笑之。曰。

慎到之道。非生人之行。而至死人之理。適得

怪焉。田駢亦然。學於彭蒙。得不教焉。彭蒙之

師曰。古之道人。至於莫之是。莫之非而已矣。

其風竄戾然。惡可而言。常反於人。不見觀於而不

免於魢五管。斷其所謂道。非道而所言之鍵

不免於非。彭蒙。田駢。慎到。不知道。雖然。槩乎

皆嘗有聞者也。以本爲精。以物爲粗。以有積

爲不足。澹然獨與神明居。古之道術。有在於

是者。關尹。老聃。聞其風而悅之。建之以常無

有。主之以太一。以濡弱謙下爲表。以空虛不

毀萬物爲實。關尹曰：在已無居，形物自著。其動若水，其靜若鏡，其應若響，芴乎若亡。寂乎若清，同焉者和，得焉者失，未嘗先人而嘗隨人。老聃曰：知其雄，守其雌，爲天下谿；知其白，守其辱，爲天下谷。人皆取先，已獨取後。曰：受天下之垢，人皆取實，已獨取虛；無藏也，故有餘；歸然而有餘，其行身也徐而不費，無爲也而笑巧。人皆求福，已獨曲全；曰：苟免於咎，以深爲根，以約爲紀。曰：堅則毀矣，銳則挫矣。常

寬容於物。不削於人。可謂至極。關尹老聃乎。

古之博大真人哉。第六節 芬漠無形。變化無常。死與

生與。天地並與。神明往與。芒乎何之。忽乎何

適。物畢羅莫足以歸 古之道術有在於是。

者。莊周聞其風而悅之。以謬悠之說。荒唐之

言。無端崖之辭。時恣縱而不儼。不以觴見之。

也。以天下為沈濁。不可與莊語。以卮言為曼

衍。以重言為真。以寓言為廣。獨與天地精神

往來。而不敖倪於萬物。不譴是非以與世俗

處其書雖瓌璋而連朴朴無傷也其辭雖參

差而諷詭可觀彼其充實不可以已上與造

物者遊而下與外死生無終始者為友其於

本也弘大而辟深閎而肆其於宗也可謂稠

適而上達遂矣雖然其應於化而解於物也其

理不竭其來不蛻芒乎昧乎未之盡者施

多方其書五車其道舛駁其言也不中麻歷

物之意曰至大無外謂之大一至小無內謂

之小一無厚不可積也其大千里天與地卑

山與澤平。日方中方睨。物方生方死。大同而
與小同異。此之謂小同異。萬物畢同畢異。此
之謂大同異。南方無窮而有窮。今日適越而
昔來連環可解也。我知天下之中央。燕之北
越之南。是也。汜愛萬物。天地一體也。惠施以
此爲大觀於天下。而曉辯者。天下之辯者相
與樂之。卵有毛雞三足。郢有天下。犬可以爲
羊。馬有卵。丁子有尾。火不熱。山出口。輪不
張。地目不見。指不至。至不絕。龜長於蛇。知不
方。

規不可以爲圓。鑿不圍柄。飛鳥之景未嘗動。

也。鏃矢之疾而有不行不止之時。狗非犬黃。

馬。驪牛三白。狗黑孤駒。未嘗有母。一尺之

樨。日取其半。萬世不竭。辯者以此與惠施相

應。終身無窮。桓園公孫龍。辯者之徒。飾人之

心。易人之意。能勝人之口。不能服人之心。辯

者之囿也。惠施曰。以其知。與之人辯。特與天

下之辯者爲怪。此其抵也。然惠施之口談自

以爲最賢。曰。天地其壯乎。施存雄而無術。南

方有倚人焉。曰黃綽問天地所以不墜不陷。

風雨雷霆之故。惠施不辭而應。不慮而對。徧

為萬物說說而不休。多而無已。猶以為寡。益

之以怪。以反人為實。而欲以勝人。為名。是以

與眾不適也。弱於德。強於物。其塗隩矣。由天

地之道。觀惠施之能。其猶一蚤一蠅之勞者

也。其於物也何庸。夫木一尚可。曰愈貴道後

矣。惠施不能以此自寧。散於萬物而不厭。卒

以善辯為名。惜乎惠施之才。貽蕩而不得逐

萬物而不反是窮響以聲形與影競走也悲

夫

此以天下名篇雖取篇首二字實則該括萬物之義余直以爲南華經之後序出於學莊之學者非莊子作也開口曰方術曰有爲正是斷案謂其非堯舜孔孟之道所尚者無爲也其文分七節首節又自分五段古之所謂道術者至謂之君子言道之在人有人有此階級立標準也以仁爲恩至養民之理言就人事中修道也古之人至無乎不在言至人今天者其明而在至稱而道之指儒者之效跡也故曰鄒魯之士縉紳先生多能明之意亦有不足者天下大亂至爲天下裂言百家衆技之亂人性也此下至第七節條理分明自二至六皆稱道術開風第七獨無此語開其爲非道術而古無此風也先關尹而次老

聊從前至此歸宿於老聃從偏而全也次哉
周學有所承也初言聖王原於神明之一不
離於宗及諸老子則曰主之以太一論莊子
則曰其於宗也獨適而上達明其爲內聖外
王之道他皆非一離宗矣信其爲序者從前
序見諸子皆非大道之全惟此籍則繼老
子立言垂訓與惠施之徒不同亦非墨翟諸
子所可並欲學者知所辨也郭子玄謂其書
雖不經而爲百家之冠蓋取諸此術言方一
偏也術言道無方也昭然在史籍儒紳百家
者皆道德不一莫非裂道之因也察古人之
全言一曲者用心儻智窺測神聖之全體不
能冥會是以鮮能備美稱容也非樂節用墨
子書中之篇名言墨子作此書欲天下之人
生不歌而非樂死無殯殮之服而節用不近
人情去王道遠也以別宥爲始言其惟以在
宥爲心故凡遇物有過必別尋一路可宥之
方或不得已而不宥非物心也語者心之容

也故曰心之行合驪以下言身之行我必得
活國攸乎救世之士言自苦者非欲久生之
故亦以警夫托名救世而自利之人耳無主
無固必也冷汰於物清冷潔淨無物可擬之
謂知不知將薄知而後隣傷之者言若求知
其不知以良知爲薄故外來者得以蔽其明
是以欲言不言欲行不行於事無所任而笑
人之非也惡可而言無是非之可言旣翦如
小魚之斷死人之喻也謂其不知道又曰槩
乎有聞執已見不知道之無方體不以能加
人不以智累已其槩聞者如此而已知白牛
辱遺黑與榮互言也博大真人其與明詩書
傳歷數道故典者何如也莫足以歸無物可
着也不倘非適然也本者宗之根宗者本之
幹雖然以下言其書應天地之化超於物表
而出之不窮源源之來不煩剝換深達無窮
猶曰書不盡言言不盡意也惠施之多方先
斷其外駁不中不必釋矣虛廢之辭十得六

七今參互而釋之明其妄也其所著書錄五
車之多歷攷其所談事物之意不過於一之
中又分大小以見同中之異異中之同耳無
厚薄也積則厚矣千里之大無厚之積也天
氣下降則亦卑矣澤氣通於山則山澤平矣
睨側視也或方中側而視之則非中矣萬物
方發生而其種必前日之死者萬物之大不
出小者之積雖謂之小而合之可以爲大則
無同無異矣南方海也本無窮而謂之方則
必有窮獨言南者天傾西北而海之居南者
達於三方也雖未至乎越而知有越之名漸
後來則是今日方往而亦可以爲昔來矣兩
岸相連雖不可解環各自圓燕北越南固非
天下之中而燕越之人但知有燕越則其國
中亦爲天地之中也大觀獨高也相與樂之
者其說浸廣也毛之在卯雖未可見其性已
具卯有毛矣雞本二足必有運而行之者是
爲三矣楚都於郢而自爲王亦與得天下同

矣犬羊胎卵之名因於人立變而更之亦無
不可蝦蟆楚人謂之丁子其始也科斗既有
尾則謂之丁子有尾亦可水寒火熱亦人名之
空谷傳聲非山有口乎行繞着地則不可轉
足不蹠地乎目見而後指可至然目不可至
而指不能見則是其至者目與指不可得而
分絕也竈長合止如此謂之長於蛇亦可矩
方觀圓動影不動矣鐵之去雖疾其在弦
飛影隨鳥動影不動矣鐵之去雖疾其在弦
也則謂之止其射侯則謂之行離弦而未至
射侯未中則是不行不止之時狗犬一物也
名既可更則黃馬驪牛羊白狗黑物與色皆
無定名也名以孤駒非有母矣不可言孤又
言嘗有母也一尺之播折而為二今日用此
五寸明日用彼五寸雖旋轉萬世不盡可也
凡此以上又皆學惠子者推廣其說與惠子
相應終其身強辨而不已此惠施日以其知
與人之辨者特其聰明說多異於人此其徒

能以口舌勝人自爲名譽是以不知不適也
盡其一人之身元不甚害乃以爲最貴之道
傳之於人其日微也宜矣在惠子且不能自
安況厭厭於衆情乎此惠子迷而不反其才
可惜也駢放也聲響

論道

此篇首論當時學者各殉己能以有所

施用爲不可加而不知無爲自然之妙理所
以達乎道然則古之道術果惡乎在曰無乎
不在後人自爲其方有以問之國異家殊而
流爲方術矣夫道術者所以經神明而行治
政厚風教而通物情使由之不知歸於自化
上古聖君所以端拱無爲而天下民之阜也
其神明之所降出則由事感感應雖爲非爲
聖生王成斯又神明施化之徵自不離於宗
至謂之聖人所以成乎天則聖者之事而神
至在其中自以仁爲恩至謂之君子所以成
乎人則王者之事由道而見於治故以內外

言之次敘法名數度詩書禮樂皆先王政治
之具待其人而後行者也道可配神明則可
配天地德可育萬物則能和天下本數卽所
謂一自一以往皆末也聖之所生以一爲本
王之所成因二以濟本末相須而治道備矣
古者聖王之爲治也密其憂民也深非唯求
理於一時直欲爲法於萬世自道志至名分
皆聖人致治之迹也有治亂者爲聖賢之指
不明道德之歸不一學者徒貴已陳之芻狗
治莫致而妖異興焉各得一端而自以爲大
全無異指蹄涔爲東海也天地之大美非道
不能備神明之形容非德不能稱彼自爲其
方者詎能造於是乎結章數語言意激切有
以見南華用心猶夫子時哉之歎有爲不可
加爲下當疊爲字欲焉應是欲爲不多靡於
萬物不輝耀於禮儀勤謹節儉以備世人之
急此禹之行見於世者墨翟滑釐聞風而悅
遂至爲之太過而勤苦難行體之太拘而枯

橫無類所爲非樂節用以教天下生不歟死
不服卽非樂節用之見於行者也說費所以
養刊非爾所以不怒亦不失爲賢厚也好學
務博觀人同已則心猶好勝未能忘已至於
毀古之禮樂則非獨悖乎聖典亦拂天下哀
樂之情強民以難從人已俱不受矣由是知
墨子之道終於敗不可行於天下後世也當
歌不歌當哭不哭其於人情不堪其去王道遠
薄苦嚴憂悲逆物情而人不堪其去王道遠
矣墨子又稱大禹治水之功勤勞若此使後
世學墨者必以善苦爲極而欲力按其教殊
不知禹當洪水之變父憂而功不成是又變
中之變遂刻苦捐軀嗣成厥緒非可以爲常
也以處變之迹施之於常無與病已而鍼灸
徒增瘡痛不智孰甚焉相里勤之徒又稱別
墨爭相聲辯推其業成者爲聖人巨子猶儒
家云碩儒皆繼其後至今不決此自是一段
言當時墨學之中又有分別墨翟禽滑釐再

續前話其爲人之意則是教人自苦則非致
亂則居首致治則下術也然而墨子真性所
好天下真及卒以立教於當時固非聖人之
道亦可謂才士也夫昔孟子闢楊墨以爲非
聖人之道峻辭而力拒之若不共戴天者有
以見衛道之切南華又詳述墨氏之行事與
其源流申言其疵弊而不廢其所長可謂公
論而存恕議不及楊氏意存其中矣墨學大
禹楊學老聃皆出聖人之門有所偏耳猶師
商同學於夫子有過有不及此楊墨之芽孽
也故學不可不謹不累不飾則心虛而守素
不苟不伎則務誠而和樂以此化俗接物普
願安全既身不過享則不妄求多積自貽患
害是爲長安寧之道以此立教於天下明白
本心而無隱情宋尹聞風而悅繼行其道華
山之冠以表行之方正均平其接物以別善
類宥愚蒙爲本則必不趨乎惡亦足以厚風
俗興教化但行之有弊不若聖治之大全而

可久也。心之容猶云：手容足容，言其動止象心之行言。其注措設施大槩以本心之端見諸行事和調，海內不關不怒，普安足養而止。此語有惠而不知爲政之意，寓其中欲置以爲主，願尊承其教也。耐辱救國，寢兵止戰，皆守柔不爭之義。強聒強見，必欲人聽從其說，請五升之飢，見其自爲太少，寧已餒而不忘天下見其爲人太多，日夜不休，至於罷極而數曰：我必得活哉！言我勞苦以救人造物，必能活我也。今世之苦行頭陀道者，勤儉於已而周悉爲人，頗似之，但不學無聞，其弗及遠矣。國做乎此句，頗難釋，諸解唯郭註近之。此乃南華數息之辭，國做猶謀蹠也。言其弗廣不切，事情二千欲以一已之力濟天下之衆而不度其難行也。不務苛察，是謂善省，不借物以榮身，無益於天下者已之，是謂善別也。外行則禁攻寢兵，使人各足而無爭內行，則寡淺情欲，律已不貪而無患事理，雖有大

小精粗要其所行至於是而極言其不能踏
聖人堂與所以止於墨學而已此段論當時
墨家之弊其間語有主賓宜審詳之能不黨
則無私善決而不以己見爲主使天下物趣
皆歸于一不慮不謀與物俱往三子聞風而
悅以其道同故也其立教以齊萬物爲首物
本不齊齊之者道天地物之至大尙無全功
況他物乎道包之而不辯此所以齊也萬物
有可有不可選之教之愈不齊會之以道則
無遺矣故慎到素知而若愚去已而任物不
得已而應雖爲非爲也澄已之源以清泥沙
汰萬物物無不從者矣其知者出於不知若
但薄其知翁近於傷性必至於無知乃全也
誤解不任事故笑天下尙賢以爲治者次句
配上文義自明白推拍鞭答較斷卽後文既
斷謂刑戮罪人言雖任法用刑而與物情究
轉周決公平而當理也舍世俗之所謂是非
而究極乎事理之實則可以無患苟免是其

謂辭不師知則忘前後之慮塊然若枯槁推
曳而後動其動也如風還羽席無心於動故
無過夫無知之物不立已不用知動靜無心
自與理合舉既無矣毀亦何存故不慕聖賢
之名以塊然無知爲得道而不知有不通潛
化之理所以豪傑笑怪以爲死人無異也旧
學於彭但任物性自然學以扶植之而不矯
其本故云得不教焉謂學至於莫之是非而
已言出如風過堯然無心於是非之辯豈可
復論其所以哉是以常反人之情不聚觀於
天下聚觀與危其觀臺相類然猶不免任法
施刑無法則又難治矣其所謂道者非道故
所言雖當亦不免爲人所非三子皆未知道
其學嘗有聞於時不可全泯也詳南華所論
則彭蒙田慎之學又優於苦蘄已齒之徒故
列於後與闢尹老聃差近焉道爲生物之本
精微莫覩物爲道之緒餘粗質具陳世人務
積物以爲養愈積而愈不足虛空曠逆神明

所舍并包廣納無毀無成雖天下萬物富有
亦安能勝虛空之無人能濬然無欲則體合
太虛而與神明居矣身外無積習中有餘此
關尹老聃之所優爲也萬物之有生於無而
人之妄情例著於有能充常無固難常無其
有爲尤難欲建立於常無有之地非主以太
一不可太一者有一而未形卽天地之先人
之性初也能造是則知夫未始有物故以濡
弱謙下爲表表謂見諸行事故與物處而不
立敵我虛空而不毀萬物不毀謂存而勿論
蓋以已忘物而自化何待毀物而爲無物之
滿前則實也虛之在我耳在已無居形物自
著亦此意水動鏡靜谷應皆喻無心自然之
爲若亡不可得而有也若清不可得而撓也
同而混之則和執而有之則失是以不先而
隨終身無患知雄守雌見剛而思柔知白守
黑處明而尚晦溪谷喻善下而衆流歸之受
天下之垢有容德乃大無藏故有餘虛而不

屈動而愈出也如是則端然立乎萬物之上
無一物介吾心無一物非吾有矣其行不殊
而常自足心樂無爲不美世巧人皆求聖
之福已獨以曲全爲福苟免於咎福莫大焉
深根謂內固約紀謂無所以免堅毀而銳挫
也寬而容物則不削人肥已可知矣此皆
聖人立身處物之極致而博大真人之粗迹
也按道德經知白守黑莊文小異無形無常
言道無物而神化死與至往與言人任化而
無極芒乎至以歸言忘適者無往而非適以
謬悠之言恣縱而不苟猶云猖狂妄行而蹈
大方不使物見已之解介言混俗而不失道
也以天下不可與莊正之語故立危重寓言
以致意焉獨與天地精神往來則離人入天
放曠八極不做倪於萬物不貴人之是非故
處世而應物而無忤立言雖瑣瑣而與世順
從無所傷也其辭參差不齊卽所謂荒謬諛
說可觀卽所謂瑣瑣也其中充實而見諸外

也如此與造物遊與無終始者友是即與天地精神往來不可形容其妙也其本弘大深閎猶云以深爲根其宗謂適上遂翁云以天爲宗應化謂出生解物謂入死言人處造化之中爲化機所運其理不可窮詰其來不可脫免芒昧無盡此其所以爲造化也信能冥心於芒昧之際而得其所以運化者則可與天地精神往來無愧乎稟靈爲人矣此段南華首於論化次則自述其所言所行後又歸結於化明已能窮神知化所以橫說堅說無非道

○此卷擬莊者十八九出於莊意十不及一二

莊子第十卷

終